



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

XXVIII. De his qui uxorem simul & concubinam habent.

**urn:nbn:de:hbz:466:1-14622**

*De his qui cum Iudæis vescuntur.*

## C A P. XXVII.

Pœnit. Rhab.  
c. 26. Item in Concilio Elibertino de Christianis  
” qui cum Judæis vescuntur scriptum est : Si ve-  
” rò quis Clericus vel fidelis cum Judæis cibum  
” sumpserit , placuit eum à communione absti-  
” neri , ut debeat emundari.

Pœnit. Rhab.  
ibid. Item in Concilio Toletano cap. x i v. scrip-  
” tum de Judæis : Suggestente Concilio id glo-  
” riosissimus Dominus noster canonibus inferi  
” præcepit, ut Judæis non liceat Christianas ha-  
” bere uxores vel concubinas, neque mancipium  
” Christianum in usus proprios comparare ; sed  
” filios qui ex tali conjugio nati sunt assumendos  
” esse ad baptismum. Nulla officia publica eos  
” opus est agere per quæ eis occasio præbeatur  
” pœnam Christianis inferre. Si qui verò Chri-  
” stiani ab eis Judaismi ritu maculati sunt , vel  
” etiam circumcisi, non reddito pretio, ad liber-  
” tatem & religionem redeant Christianam.

*De his qui uxorem simul & concubinam habent.*

## C A P. XXVIII.

Pœnit. Rhab.  
c. 10. Item de his qui uxorem habent , si concubi-  
” nam habuerint , in Concilio Toletano cap.  
” x v i i. scriptum est : Si quis habens uxorem  
” fidelis , si concubinam habeat , non communi-  
” cet. Ceterùm is qui non habet uxorem , & pro  
” uxore concubinam habet, à communione non  
” repellatur. tantùm ut unius mulieris, aut ux-  
” ris,



ris, aut concubinæ, ut ei placuerit, sit conjun-  
ctio contentus. Aliàs verò vivens abjicia-  
tur donec desinat & ad pœnitentiam rever-  
tatur.

*De conjugatis qui nubere non possunt.*

C A P. X X I X.

Quòd autem interrogasti de his qui matri-  
monio conjuncti sunt & nubere non possunt,  
si ille aliam vel illa alium ducere possit, non  
cum auctoritate, sed de quorundam statutis  
respondemus, in quibus scriptum est: Vir &  
mulier si se junxerint matrimonio, & po-  
stea dixerit mulier de viro quòd non possit ei  
nubere, si potest probare per justum judicium  
quòd verum sit, accipiat alium.

Regino lib. 2.  
c. 242.

*De his quæ menstruum sanguinem aliis in cibo  
vel potu dant. & de his qui magicam artem  
divinatione & angurio observant.*

C A P. X X X.

De his etiam super quibus interrogasti, id  
est, de illa femina quæ menstruum sanguinem  
suum miscuit cibo vel potui, & dedit viro suo  
ut comederet, & de illa quæ semen viri sui in  
potu bibit, & de ea quæ testam hominis com-  
bussit igni, & viro suo dedit pro infirmitate vi-  
tanda, quali pœnitentia sint plectendæ; ut no-  
bis videtur, tali sententia feriendi sunt sicut  
magi & arioli, qui magicam artem exercuisse  
noscuntur. Nam de his qui magicam artem

Regino lib. 2.  
c. 362.  
Burchard. lib.  
19. c. 152.

Regino lib. 2.  
c. 360. 361.